

Kommunitoqqat uterfigeqqissagutsigit allaffissornikkut aningaasartuutit qanoq allanngussanersut pillugit Naalakkersuisut nalunaarusioqqullugit Inatsisartut aalajangiiffigisassaattut siunnersuut. Nalunaarusiaq UPA2025-mut Inatsisartunut agguanneqassaaq.

(Inatsisartunut ilaasorta, Aqqalu C. Jerimiassen, Atassut)

Akissuteqaat

(Isumaginninnermut, Ilaqutariinnut, Suliffeqarnermut Nunamullu Namminermut Naalakkersuisoq)

Siullermeerneqarnera

Naalakkersuisut siunnersuusiortoq Aqqalu C. Jerimiassen, Atassut, siunnersuummik saqquumiussineranut qujassuteqarput.

Piffissami kingullermi oqallinneq aamma maannakkut kommunit aaqqissuussaanerat pillugu naammagisimaarinninnginnermik isummernerit eqqarsaatigalugit, amerlasuut misigalutik, najukkamut tunngassuteqartut pillugit innuttaasut ulluinnarni inuunerannut ungasissumiit aalajangiisoqartartoq, kommunit aaqqissuussaanerannut tunngasumik sukumiisumik naliliinissamut aamma naalakkersuinikkut oqallinnissamut ersarissumik pisariaqartitsisoqarpoq.

Qanimut oqartussaaqataaneq innuttaasunillu sullissineq (UKA2022/93) pillugit innuttaasut misilittagaannik aallaaveqartumik, Naalakkersuisut kommunit aaqqissugaanerata pillugu naliliinermik suliaqassasut Inatsisartut qinnuigaat. Naliliineq tamanna suliarineqaleruttortoq aamma 2024-mi ukiakkut ataatsimiinnermi agguanneqartussaalluni. Naliliinermi angusat oqallinnermut pingaaruteqartumik tapersiissapput, kisianni naalakkersuinikkut oqallinnerup paasissutissat tunngavigalugit ingerlanissaa qulakkeerniarlugu, kommunit aaqqissugaanerannik allannguisinnaanerup aningaasaqarnikkut kingunissai aamma misissussallugit pisariaqarpoq.

Allaffissornikkut ingerlatsinermi aningaasartuutit misissoqqissaanerata nalorninartoqalaartussaavoq, Namminersorlutik Oqartussat kommunillu akornanni suliaqassat agguataarnerata maannakkut atuuttoq malillugu tunngaveqartussaammat. Kommunit agguarneqarsinnaanerata suliaqassat agguataarinerup itisiliisumik misissorneqarnissaat piimasaqataavoq. Naalakkersuisut isumaqarput, suliaqassat inissinneqartariaqartut pitsaanerpaamik aaqqiivigineqarsinnaanerata malillugu.

Naak tamakku isumaliuutaagaluartut Naalakkersuisut isumaqarput sammisap sammivilerneqarnissaa pingaaruteqartoq, oqallinnermi pisortani imartusiartormat, aamma kommunalbestyrelsi ataatsip kommunip avinneqarnissaa pillugu taasisitsinissaq pillugu aalajangereermat. Pisortat aningaasaqarnerata qanimut pituttugaavoq, taamaattumillu pingaaruteqarpoq avinneqarsinnaaneq kommunit allaffissornikkut aningaasartuutaannut qanoq kinguneqassanersoq misissussallugu.

Taamaattumik kommunit aaqqissuussaanerannut pisoqqamut kingumut utertinneqarnissaa pillugu allaffissornikkut ingerlatsinermut aningaasartuutit pillugit nassuiaammik suliaqartoqarnissaanik siunnersuteqartup kaammattuuteqarnera Naalakkersuisut tapersersorpaat, aamma siunnersuutip akuersissutigineqarnissaa inassutigalugu.